



**Volumen Epistolarum, Qvas Romani Pontifices, Gregorijs
III., Stephanvs III., Zacharias I., Pavlvs I., Stephanvs IV.,
Adrianvs et Pseudopapa Constantinus miserunt& reges
Francorum, Carolvm Martellvm, ...**

Gretser, Jacob

[München], 1613

Jtem exemplar Epistolæ eiusdem Papæ, ad Domnum Carolvm Regem
directa, in qua continetur de sacratione Petri Episcopi, seu & de territorio
Sauinensi. LXXVI.

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

*Item exemplar Epistola eiusdem Pape, ad
Domnum Carolum Regem directa, in qua continetur de
sacratione Petri Episcopi, seu & de terri-
torio Sauinensi.*

LXXVI.

*Summ 36.
Bar. &
Cent.*

DOMNO excellentissimo filio nostroque spiri-
tali compatri Carolo Regi Francorum, & Lan-
gobardorum, atque Patricio Romanorum,
Adrianus Papa. Nectareas mellifluasq; regalis excel-
lentiae vestrae per harum transuectorem Petrum Re-
uerendissimum & Sanctissimum fratrem iam & Coe-
piscopum nostrum, suscepimus Syllabas, in qui-
bus de eius ordinatione reperientes, ilico benignae
voluntatis vestrae mandata, sicut soliti sumus, impleui-
mus. Quem petimus pro amore B. Petri, Apostolo-
rum principis, fautoris vestri, & nostra inuicem firma
dilectione, in omnibus eum tenentes, amplius illum
exaltare dignemini. Sic enim decet, ut qui ab Aposto-
lica sede ordinatus fuerit, omnibus in honore Cano-
nicae institutionis, sicuti mos antiquitus fuit, partibus
illis praecellat. Quantam enim fiduciam atque gloria-
tionem in vestra praecelsa regali potentia habemus
lingua ut reor humana, fari non potest; quatenus
ipse iam fatus Petrus Reuerentissimus & Sanctissimus
frater & Coepiscopus noster insinuare potest, quanta
amoris feruentia cor nostrum in vestra triumphatissi-
ma praecellencia die noctuq; existit, & dum tantam fi-
duciam de vestra a Deo protecta regali excellentia ge-
rentes habemus, nimis expectabiles sumus, sicut vobis
poscentes direximus, de Sauinensi territorio, ut ea,
quae mercede animae vestrae, pariterque spiritualis filiae
nostrae,


nostræ, atq; commatris, nec non vestræ nobilissimæ prolis, B. Petro Apostolorum principi, in integro cōcessistis adimplere per fidelissimos Missos vestros, qui & causam ex parte examinauerunt, sicut & antiquitus fuit, & contradere nobis iubeatis, vti ab ipso regni cœlorum clauigero, dignam retributionem hic & in futuro recipere mereamini.

Enimvero prædictus Petrus Reuerendissimus & Sanctissimus frater & Coëpiscopus noster, obtulit nobis Pseudopyctacium à Paulino, sicut fatus est, pro Theodosio quondam interpretatum, & à vestra excellentia nobis directum; habens insuper * à scriptio-<sup>*f. adscri-
ptum.</sup> ne breuiarium Chalcedonensis concilij à quodam Verecundo Episcopo editum, quem in apocryphis reperiens falsidicus inuenietur. Sancta vero Catholica & Apostolica spiritalis mater vestra, Romana Ecclesia, non breuiter, sed totum sanctum & venerabile quartum Chalcedonense amplectens prorsus veneratur, & non audeat relinquere sanctum & venerabile eius constitutum, & exsequi à quodam factum breuiarium, nullam consonantiam sanctæ institutionis habens. Nos quidem pro tanto amore, quem erga vestram à Deo institutam regalem potentiam habemus, direximus vobis ex eodem sancto & venerabili Concilio ante actionē eius exemplar Epistolæ sancti Leonis Pontificis, ad clerum & nobiles Constantinopolitanos, atq; populum eiusdem ciuitatis directæ, post actum iniquum & peruersum in * Efesina vrbe secun-^{*Ephesina} dum Concilium aduersus sanctum & venerabilem Flavianum eundem Constantinopolitanum Episcopum; condemnans impiissimum Dioscorum atque prophanum Eutychem, adhortans atque commonens
I præ-

prædictum populum, ut in ea fide permaneat in qua Christianissimum principem eorum nouit permanere, talis enim almus & venerabilis vir, atque in toto orbe sanctus Leo Papa, noster præcessor, opinatissimus prædicabilis fuit, ut si aliquid in fide aduersus Theodosium imperatorem scandalizatum fuisset, nunquam post actum iniquum & latrociniosum secundo in Efeso factum, ipse præcipuus beatus Pater, sanctus Leo hæreticos damnans, laudasset fidem Theodosij. Sed magis pariter cum ipsis, velut consentaneum eum damnasset.

Nos quidem, sicut fati sumus, apocryfos libros non sequimur, sed eos veneramur & amplectimur, quos sancta Catholica & Apostolica suscepit Ecclesia, in qua fundati vna cum filia nostra & spiritali commatre Domna Regina, atque vestra triumphatissima subole per multorum annorum curricula regno perfrui dignemini, & cum sanctis omnibus præmia æterna in vita perpetua habere valea-

mini. Incolumem excellentiam vestram gratia superna custodiat.



Item